

Landmótun ehf  
Yngvi Þór Loftsson  
Hamraborg 12 5h  
200 Kópavogur

Umhverfisstofnun
Áb. _____
07. júní 2011 10.4.2
Tilv. _____



UMHVERFISSTOFNUN

Reykjavík, 1. júní 2011  
Tilvísun: UST20110300135/ksj

### Lýsing á tillögu breytingu á aðalskipulagi Vesturbyggðar 2006 - 2018 vegna Vestfjarðarvegur frá sveitarfélagamörkum Reykhólahrepps að Þverá í Kjálkafirði

Vísað er til erindis Landmótunar ehf. f.h. bæjarstjórnar Vesturbyggðar er barst 24. mars sl. þar sem óskað er umsagnar Umhverfisstofnunar vegna lýsingar á tillögu að breyttu aðalskipulagi Vesturbyggðar 2006-2018.

Vegagerðin kannaði matsskyldu framkvæmdarinnar Vestfjarðarvegur (60) milli Eiðis í Vattarfirði og Þverár í Kjálkafirði í janúar 2009. Niðurstaða Skipulagsstofnunar sem barst 27. mars 2009 var að fyrirhuguð framkvæmd kunní að hafa í för með sér umtalsverð umhverfisáhrif og skuli því háð mati á umhverfisáhrifum. Niðurstaða stofnunarinnar var kærð til umhverfisráðherra og barst úrskurður þann 27. nóvember 2009, þar sem ákvörðun Skipulagsstofnunar var staðfest. Vegagerðin ákvað að meta umhverfisáhrif einnar veglínu á stærsta hluta leiðarinnar. Drög að matsstillögu voru auglýst á vef Vegagerðarinnar nú þann 16. febrúar 2011.

### Ástæður breytinga og framkvæmd

Vegagerðin hefur óskað þess að sveitarfélagið fari í breytingu á aðalskipulagi er varðar nýja veglínu á Vestfjarðarvegi nr. 60 á milli Eiðs í Vattarfirði og Þverár í Kjálkafirði. Innan Vesturbyggðar er um að ræða 2,4 km langan kafla rétt norðan við Þverá í Kjálkafirði að sveitarfélagamörkunum sem liggja í miðjum Kjálkafirði. Núverandi vegur er um 24 km en nýlögn verður innan við 10 km. Miðað við innri leið í Mjóafirði og ystu leið í Kjálkafirði styttest vegurinn um 5,1 km, en með ytri leið í Mjóafirði fengist 3 km stytting til viðbótar. Skilgreina þarf nýjar námur í Mjóafirði og við Hraun í Kjálkafirði (40.000 m<sup>3</sup>) þar sem teknir verða um 122.000 m<sup>3</sup>. Skipulagsbreytingin mun gera grein fyrir nauðsynlegum leyfum vegna vegaf framkvæmda, helstu umhverfisáhrifum og ef þörf er á að greina frá vöktun umhverfisáhrifa vegna breyttrar veglínu.

Breytingin er háð lögum um umhverfismat áætlana nr. 105/2006 þar sem hún er að móta stefnu um tilkynningaskylda framkvæmd. Samkvæmt 6. gr laga um umhverfismat nr. 106/2000, viðauka 2, þarf að kanna matsskyldu framkvæmdarinnar þar sem breytingar á núverandi vegstæði kunna að hafa umtalsverð áhrif. Einnig þarf að kanna matsskyldu vegna

nýrra vega utan þéttbýlis á verndarsvæðum og á svæðum á náttúruminjaskrá, viðauki 2, liður 10c og viðauki 3, liður 2 iii a og b, en framkvæmdarsvæðið er á náttúruminjaskrá og að hluta til á Verndarsvæði Breiðafjarðar (lög.nr. 54/1995). Einnig segir í viðauka 3 að kanna þurfi matskyldu ef fornminjar eru innan við 100 m frá framkvæmdarsvæði en þær njóta verndar samkvæmt þjóðminjalögum nr. 107/2001.

Helstu þættir breytingatillögunnar sem í lýsingu eru taldir geta valdið umhverfisáhrifum, eru vegagerð, efnistaka og brúargerð. Eru áhrifin mismikil á umhverfisþætti eftir því hvort um ræðir vega- og brúargerð eða efnistöku.

### Efnistaka

Varðandi lýsingu á tillögu að breyttu aðalskipulagi Vesturbyggðar 2006 - 2018, kemur fram á uppdrætti er fylgir, að efnistaka er áætluð á þrem stöðum merkt E1, E2 og E3.

Umhverfisstofnun bendir á að ekki má ganga of nærri umhverfinu þar sem merkt er náma E1 eða í botni Kjálkafjarðar, og þyrfti að koma fram í tillögu að breyttu aðalskipulagi Vesturbyggðar hve mikil efnistaka er möguleg á E1 svæðinu, án þess að umhverfisáhrif verði umtalsverð.


### Viðmið


Í umfjöllun um viðmið í ofangreindri lýsingu eru viðmið varðandi gróður og jarðveg talin upp (tafla 1). Til viðbótar við þau viðmið vill Umhverfisstofnun benda á að í 39. gr laga nr. 44/1999 er fjallað um vernd skóga og annarra gróðursamfélaga. Einnig bendir Umhverfisstofnun á stefnumörkun stjórnvalda varðandi upprunalega birkiskóga, en stefnan kemur fram í skýrslu er gefin var út af umhverfisráðuneytinu í mars 2007 og nefnist: „*Vernd og endurheimt íslenskra birkiskóga, skýrsla og tillögur nefndar.*“ Að mati Umhverfisstofnunar ætti skýrslan og tillögurnar að vera viðmið varðandi tillögu að breyttu aðalskipulagi Reykhólahrepps 2006 - 2018, enda mikið um íslenskan birkiskóg á svæði skipulagsins.

### Botnlag og sjávarstraumar

Umhverfisstofnun telur að auk þeirra umhverfisþátta sem skoðaðir verða samkvæmt töflu 1, ætti að rannsaka botnlag og sjávarstrauma innan fyrirhugaðra þverana, vegna hugsanlegra áhrifa ofangreindrar framkvæmdar á lífríki strandsvæðanna.

Virðingarfyllt

  
Ólafur A. Jónsson  
Deildarstjóri

  
Kristín S. Jónsdóttir  
Sérfræðingur